

মেমারিতে ব্যাঙ্কের সচেতনতা শিবির



(নিঃ প্রঃ) মেমারি, ৭ আগস্ট।
ডিপার্টমেন্ট অফ ফিন্যান্সিয়াল
সার্ভিস-এর নির্দেশে গত ১লা
জুলাই থেকে সারা দেশ ব্যাপী
স্যাচুরেশন অফ ফিন্যান্সিয়াল
ইনস্টিটিউশন সচেতনতার প্রচার শুরু
হয়েছে। এই সচেতনতা চলবে
আগামী ৩০ সেপ্টেম্বর পর্যন্ত।

এদিন পূর্ব জেলার থাম
পঞ্চায়েত এলাকায় বিভিন্ন ব্যাঙ্ক
আধিকারিক ও গ্রাহকদের নিয়ে দুটি
কর্মশালা অনুষ্ঠিত হয়। এই দুই
কর্মশালার নেতৃত্বে ছিলেন রিজার্ভ
ব্যাঙ্ক অফ ইণ্ডিয়া, কোলকাতার
রিজিওনাল শাখার ডিরেক্টর শ্রী
সুধাংশু প্রসাদ, ইউকো ব্যাঙ্ক,
ইণ্ডিয়ান ব্যাঙ্ক, স্টেট ব্যাঙ্ক অফ
ইণ্ডিয়া, কানাড়া ব্যাঙ্ক, ইণ্ডিয়ান
ওভারসিস ব্যাঙ্ক, সেন্ট্রাল ব্যাঙ্ক সহ
১৭টি ব্যাঙ্ক-এর জেনারেল
ম্যানেজার ও ডেপুটি জেনারেল

ম্যানেজার পদের আধিকারিকরা
এই কর্মশালায় অংশগ্রহণ করেন।
প্রথম কর্মশালাটি অনুষ্ঠিত হয়
মেমারী-২নং ব্লকের বিজুর-১নং
গ্রাম পঞ্চায়েত এলাকায়।

দ্বিতীয় কর্মশালাটি ইউকো
ব্যাঙ্ক-এর পরিচালনায় অনুষ্ঠিত হয়
মেমারী-২নং ব্লকের আমোদপুর
গ্রাম-পঞ্চায়েত এলাকায় (কৃষ্টি
সিনেমা হলে)। গ্রামীণ এলাকার
প্রত্যেক মানুষকে ব্যাঙ্কিং পরিষেবার
আওতায় আনা ও বিভিন্ন সামাজিক
সুরক্ষা প্রকল্প সম্পর্কে অবগত
করাই এই কর্মসূচীর প্রধান উদ্দেশ্য
বলে জানান উদ্যোক্তরা। এছাড়া
এই কর্মশালায় গ্রাহকদের রি-
কেওয়াইসি সম্পর্কে জানানো হয়
ও তাৎক্ষণিক রি-কেওয়াইসি
করানোর ব্যবস্থা করা হয়। এদিনের
কর্মশালায় উপস্থিত ছিলেন

(৪র্থ পাতার দ্রঃ)

Name of the Paper: Bardhaman Darpan

Edition: Morning edition

Date of Publish: August 13, 2025

মেমারিতে ব্যাঙ্কের সচেতনতা শিবির

(২য় পাতার পর)

মেমারী-১ ও ২নং ব্লকের সমস্ত ব্যাঙ্ক শাখার আধিকারিকগণ। বিভিন্ন সামাজিক সুরক্ষা প্রকল্প বিশেষত দুর্ঘটনা জনিত মৃত্যুর জন্য প্রধানমন্ত্রী সুরক্ষা বীমা योजना, প্রধানমন্ত্রী জীবনজ্যোতি বীমা योजना ও জন সাধারণের জন্য অটল পেনশন योजनाয় সংযুক্তি-করণের সুবিধা সম্পর্কে গ্রাহকদের জানানো হয়। এর পাশাপাশি সাইবার ক্রাইম সম্পর্কিত প্রয়োজনীয় সতর্কতা অবলম্বন বিষয় এই কর্মসূচীতে তুলে ধরা হয়। রিজিওনাল ডিরেক্টর রিজার্ভ ব্যাঙ্ক অফ ইণ্ডিয়া মাননীয় শ্রী সুধাংশু প্রসাদ গ্রাহকদের বিস্তারিতভাবে রি-কেওয়াইসির প্রয়োজনীয়তা, তার সময়সূচী ও রি-কেওয়াইসি না করার সমস্যা সম্পর্কে অবগত

করেন এবং রি-কেওয়াইসি তাৎক্ষণিক করার আবেদন জানান। সাময়িকভাবে বন্ধ ব্যাঙ্ক অ্যাকাউন্ট গুলি রি-কেওয়াইসি দ্বারা চালু করার ব্যবস্থাও এই কর্মশালার অংশ, অথবা সংশ্লিষ্ট ব্যাঙ্ক শাখায় নতুন রি-কেওয়াইসি-র মাধ্যমে বন্ধ হয়ে যাওয়া ব্যাঙ্ক অ্যাকাউন্ট চালু করার বিষয়ে জানান। ব্যাঙ্ক আধিকারিক আরও বলেন, শিবিরগুলিতে জন সাধারণ বিভিন্ন সামাজিক সুরক্ষা প্রকল্পে নিজেদের নাম নথিভুক্ত করতে পারবেন।

এই দিনের শিবিরগুলির সমন্বয়ের দায়িত্বে ছিলেন ব্যাঙ্ক আধিকারিকগণ। পরবর্তী সময়ে এই জেলায় আরও অন্যান্য পঞ্চায়েত এলাকায় এইরকম ব্যাঙ্কিং কর্মশালা শিবির অনুষ্ঠিত হবে বলে তাঁরা জানান।

Name of the Paper: Bardhaman Darpan

Edition: Morning edition

Date of Publish: August 13, 2025